

**ბრძანება # 913 - სახელმწიფო სასწავლო გრანტის გაცემის და აკრედიტირებულ უმაღლეს საგანმანათლებლო დაწესებულებებს შორის სახელმწიფო სასწავლო გრანტის გადატანის წესის დამტკიცების შესახებ**

მიღებულია - 20.10.2009 წ

ძალაშია - 27.10.2009 წ

19.11.2009 წ - მდგომარეობით

**მიმღები:** განათლებისა და მეცნიერების სამინისტრო

საქართველოს ზოგადი ადმინისტრაციული კოდექსის 61 -ე მუხლის პირველი და მე-3 ნაწილების, "უმადლესი განათლების შესახებ საქართველოს კანონის მე-7 მუხლის პირველი პუნქტის "ბ" ქვეპუნქტის და "საქართველოს განათლებისა და მეცნიერების სამინისტროს დებულების დამტკიცების შესახებ" საქართველოს მთავრობის 2004 წლის 21 მაისის #37 დადგენილებით დამტკიცებული დებულების მე-2 მუხლის მე-2 პუნქტის "ც" ქვეპუნქტის საფუძველზე ვბრძანებ:

1. დამტკიცდეს "სახელმწიფო სასწავლო გრანტის გაცემის და აკრედიტებულ უმაღლეს საგანმანათლებლო დაწესებულებებს შორის სახელმწიფო სასწავლო გრანტის გადატანის წესი" დანართის შესაბამისად.

2. ძალადაკარგულად გამოცხადდეს "სახელმწიფო სასწავლო გრანტის გაცემისა და აკრედიტებულ უმაღლეს საგანმანათლებლო დაწესებულებებს შორის სახელმწიფო სასწავლო გრანტის გადატანის დებულების დამტკიცების შესახებ" საქართველოს განათლებისა და მეცნიერების მინისტრის 2006 წლის 5 ივლისის #664 ბრძანება.

3. ბრძანება ამოქმედდეს გამოქვეყნებისთანავე.

ნ. გვარამია

გამოქვეყნებულია N131 მაცნეში

27.10.2009

ნაწილი III

**დანართი - სახელმწიფო სასწავლო გრანტის გაცემის და აკრედიტირებულ უმაღლეს საგანმანათლებლო დაწესებულებებს შორის სახელმწიფო სასწავლო გრანტის გადატანის წესი**

**მუხლი # 1 - ზოგადი დებულებანი**

1. სახელმწიფო სასწავლო გრანტით (შემდგომში - გრანტი) ფინანსდება აკრედიტებულ უმაღლეს საგანმანათლებლო დაწესებულებასა და "უმადლესი განათლების შესახებ" საქართველოს კანონის 66' მუხლით გათვალისწინებულ ახალდაფუძნებულ ლიცენზირებულ უმაღლეს საგანმანათლებლო დაწესებულებაში (შემდგომში - დაწესებულება) ბაკალავრიატის, დიპლომირებული

მედიკოსის/სტომატოლოგის/ვეტერინარის და დიპლომირებული სპეციალისტის საგანმანათლებლო პროგრამები, ასევე აღნიშნული საგანმანათლებლო პროგრამები "უმადლესი განათლების შესახებ" საქართველოს კანონის 66-ე მუხლის მე-7 პუნქტით გათვალისწინებულ შემთხვევაში საქართველოს კანონმდებლობის შესაბამისად.

2. ეს წესი ადგენს სტუდენტისათვის გრანტის გაცემის, დაწესებულებებს შორის მობილობის საფუძველზე გრანტის გადატანისა და სტუდენტის მიერ მოპოვებული გრანტის ოდენობის გაზრდის შემთხვევაში მასზე გრანტის გაცემის წესსა და პირობებს.

**მუხლი # 2 - გრანტის გაცემის საფუძველი**

1. გრანტის მიღების უფლება აქვს საქართველოს მოქალაქეს ან რეზიდენტს,

რომელიც საქართველოს კანონმდებლობით დადგენილი წესით ჩაირიცხა და სწავლობს ამ წესის პირველი მუხლის პირველი პუნქტით გათვალისწინებულ დაწესებულებაში ან საგანმანათლებლო პროგრამაზე.

2. უცხო ქვეყნის მოქალაქეზე გრანტი გაიცემა საქართველოს კანონმდებლობით დადგენილი წესის შესაბამისად.

3. გრანტით ფინანსდება:

ა) ბაკალავრიატში სწავლა, მაგრამ არა უმეტეს სწავლის 4 წლის განმავლობაში;

ბ) დიპლომირებული მედიკოსის საგანმანათლებლო პროგრამით სწავლა, მაგრამ არა უმეტეს სწავლის 6 წლის განმავლობაში;

გ) დიპლომირებული სტომატოლოგის/ვეტერინარის საგანმანათლებლო პროგრამით სწავლა, მაგრამ არა უმეტეს სწავლის 5 წლის განმავლობაში;

დ) დიპლომირებული სპეციალისტის საგანმანათლებლო პროგრამით სწავლა, დაწესებულების მიერ დადგენილი კრედიტების შესაბამისად, მაგრამ არა უმეტეს სწავლის 2 წლის განმავლობაში 120 კრედიტიანი და სწავლის 3 წლის განმავლობაში 180 კრედიტიანი საგანმანათლებლო პროგრამებისათვის.

4. დაწესებულებაში ჩარიცხვის უფლების მქონე პირი კარგავს გრანტის მიღების უფლებას, თუ დაწესებულება საქართველოს კანონმდებლობით დადგენილი წესით მის მიმართ არ გამოსცემს ჩარიცხვის დამადასტურებელ დოკუმენტს.

### **მუხლი # 3 - გრანტის გაცემის წესი**

1. სტუდენტზე, საქართველოს კანონმდებლობის შესაბამისად, გაიცემა საქართველოს მთავრობის მიერ განსაზღვრული გრანტის სრული (შემდგომში - სრული გრანტი) ან ნაწილობრივი ოდენობა (შემდგომში - ნაწილობრივი გრანტი).

2. საჯარო სამართლის იურიდიული პირის - სახელოვნებო ან სასპორტო დაწესებულების მიერ დადგენილი წესით კონკურსგავლილ და ჩარიცხულ სტუდენტს, რომელიც მოიპოვებს სახელმწიფო კონტროლის განმახორციელებელი ორგანოსათვის სახელმწიფო ბიუჯეტით გათვალისწინებული ასიგნებებიდან გამოყოფილ დაფინანსებას და გრანტს, მოპოვებული გრანტით გათვალისწინებული თანხის ნახევარი მაინც მიეცემა სტიპენდიის სახით ამ დაწესებულების ბიუჯეტიდან.

### **მუხლი # 4 - გრანტის მიღების უფლების უზღუდვა**

1. უმაღლესი განათლების ერთ საფეხურზე ერთ სტუდენტზე გაიცემა მხოლოდ ერთი გრანტი. პირის მიერ ერთდროულად უმაღლესი განათლების ერთ საფეხურზე რამდენიმე საგანმანათლებლო პროგრამაზე სწავლის შემთხვევაში, მასზე გაიცემა მხოლოდ ერთი გრანტი ამ წესით დადგენილი პირობებით.

2. ამ მუხლის პირველი პუნქტი არ ზღუდავს სტუდენტს, რომელმაც მოიპოვა ნაწილობრივი გრანტი, მოპოვებული ნაწილობრივი გრანტის სრულ ოდენობამდე შეესების მიზნით, საქართველოს კანონმდებლობით დადგენილი წესით მიიღოს დაფინანსება საქართველოს მთავრობის მიერ განსაზღვრული სოციალური პროგრამის ფარგლებში.

3. ამ მუხლის პირველი პუნქტი ასევე არ ზღუდავს სტუდენტს, გაზარდოს მოპოვებული გრანტის ოდენობა საჯარო სამართლის იურიდიული პირის - გამოცდების ეროვნული ცენტრის მიერ ორგანიზებული საგრანტო კონკურსის (შემდგომში - საგრანტო კონკურსი) საშუალებით.

### **მუხლი # 5 - გრანტის გაცემის დრო და დაფინანსების ძირითადი წარსაღები ინფორმაცია**

1. დაწესებულებას გადაერიცხება იმ ოდენობის თანხა, რომელიც შეესაბამება ამ დაწესებულების გრანტის მქონე სტუდენტთა საერთო რაოდენობასა და მათ მიერ მოპოვებული გრანტების ოდენობებს.

2. საქართველოს განათლებისა და მეცნიერების სამინისტრო გრანტის თანხის გადარიცხვას ახორციელებს შესაბამისი დაწესებულების საბანკო ანგარიშზე თანხის ჩარიცხვის გზით, პირველი ნომერისა და პირველი აპრილისთვის, საჯარო სამართლის იურიდიული პირის - განათლების აკრედიტაციის ეროვნული ცენტრის (შემდგომში - ცენტრი) აკრედიტებული უმაღლესი საგანმანათლებლო დაწესებულებების, სტუდენტებისა და პროფესორ-მასწავლებლების რეესტრის მონაცემების შესაბამისად.

3. ამ მუხლის პირველი პუნქტით განსაზღვრული სტუდენტების რაოდენობაში არ შედიან ის პირები, რომელთაც შესაბამისი წლის პირველი ნომერისა და პირველი აპრილისთვის შეჩერებული აქვთ სტუდენტის სტატუსი.

4. დაწესებულების მიერ ამ მუხლის მე-2 პუნქტით გათვალისწინებულ რეესტრში სტუდენტის შესახებ ინფორმაციის შეუტანლობა არის დაწესებულებისათვის შესაბამისი სტუდენტის მიერ მოპოვებული გრანტის გადარიცხვის შეჩერების საფუძველი.

### **მუხლი # 6 - გრანტის გადახდა**

1. საქართველოში მობილობის განხორციელების შემთხვევაში სტუდენტს შეუძლია გადაიტანოს გრანტი შესაბამისი სასწავლო წლის პირველი ნომერიდან, ან პირველი აპრილიდან, ჩარიცხვის ბრძანების თარიღის შესაბამისად.

2. ამ მუხლის პირველი პუნქტით გათვალისწინებულ შემთხვევაში, სტუდენტს მიმღებ დაწესებულებაში გრანტი გადაყვება მის მიერ თავდაპირველად ჩარიცხვის დაწესებულებაში სწავლის დასაფინანსებლად მოპოვებული ოდენობით. თუ მიმღები დაწესებულების საგანმანათლებლო პროგრამის საფასური ნაკლებია სტუდენტის მიერ მოპოვებული გრანტის ოდენობაზე, გრანტის ოდენობა უტოლდება ამ საგანმანათლებლო პროგრამის საფასურს. ყოველი შემდგომი მობილობისას, სტუდენტს მიმღებ დაწესებულებაში გრანტი გადაყვება წინა დაწესებულებაში არსებული გრანტის ოდენობით.

3. თუ საქართველოში მობილობის განხორციელებისას, სტუდენტი სწავლას აგრძელებს თავდაპირველი დაწესებულების საგანმანათლებლო პროგრამისგან განსხვავებულ საგანმანათლებლო პროგრამაზე, მიმღები დაწესებულების საგანმანათლებლო პროგრამით სწავლა დაფინანსდება თავდაპირველი დაწესებულების საგანმანათლებლო პროგრამით სწავლის დაფინანსებისათვის დარჩენილი წლების გათვალისწინებით, მაგრამ არა უმეტეს მიმღები დაწესებულების საგანმანათლებლო პროგრამისათვის ამ წესის მე-2 მუხლის მე-3 პუნქტით გათვალისწინებული წლების განმავლობაში.

### **მუხლი # 7 - სტუდენტისათვის გრანტის შენარჩუნების წესი**

1. სტუდენტის სტატუსის შეწყვეტის ან შეჩერების შემთხვევაში, სტუდენტს მოპოვებული გრანტის მიღების უფლება უნარჩუნდება სტუდენტის სტატუსის შეწყვეტიდან/შეჩერებიდან მომდევნო სამი სასწავლო წლის ვადაში სწავლის განახლების შემთხვევაში, გარდა ამ მუხლის მე-2 პუნქტით გათვალისწინებული გამონაკლისი შემთხვევებისა.

2. სტუდენტს, რომლისთვისაც სტუდენტის სტატუსის შეჩერების საფუძველს წარმოადგენს უცხო ქვეყნის დაწესებულებაში ჩარიცხვა/სწავლა ან ჯანმრთელობის მდგომარეობა, რომლის დროსაც შეუძლებელია სტუდენტის მიერ სწავლის გაგრძელება, მოპოვებული გრანტის მიღების უფლება უნარჩუნდება შესაბამისი საფუძვლის არსებობის გადით.

3. თუ გრანტის მფლობელ სტუდენტს შეუწყდა/ შეუჩერდა სტუდენტის სტატუსი და შემდეგ საქართველოს კანონმდებლობით დადგენილი წესით სწავლა განაგრძო იმავე ან სხვა დაწესებულების საგანმანათლებლო პროგრამაზე, სტუდენტი მის მიერ თავდაპირველად მოპოვებულ გრანტს გამოიყენებს ამ საგანმანათლებლო პროგრამის დასაფინანსებლად. ამ შემთხვევაში სტუდენტის მიერ მოპოვებული გრანტის ოდენობა

განისაზღვრება ამ წესის მე-6 მუხლის მე-2 და მე-3 პუნქტების შესაბამისად და მე-2 მუხლის მე-3 პუნქტის გათვალისწინებით.

4. სტუდენტის სტატუსის შეწყვეტის/შეჩერების და აღდგენის/განახლების შესახებ ინფორმაცია უნდა აისახოს ამ წესის მე-5 მუხლის მე-2 პუნქტით გათვალისწინებულ რეესტრში და მიეწოდოს ცენტრს. სტუდენტის სტატუსის შეწყვეტის/შეჩერების, ასევე სტუდენტის სტატუსის აღდგენის/განახლების შესახებ ინფორმაციის წარმოდგენის ფორმა მტკიცდება ცენტრის დირექტორის ინდივიდუალური ადმინისტრაციულ-სამართლებრივი აქტით.

#### **მუხლი # 8 - სტუდენტის მიერ მოპოვებული ბრანტის ოდენობის გაზრდა**

1. სტუდენტი, რომელმაც ვერ მოიპოვა გრანტი ან მოიპოვა გრანტის ნაწილობრივი ოდენობა, უფლებამოსილია მონაწილეობა მიიღოს საგრანტო კონკურსში საქართველოს კანონმდებლობით დადგენილი წესით. საგრანტო კონკურსის შედეგად მოპოვებული ან გაზრდილი ოდენობის გრანტით შესაბამისი საგანმანათლებლო პროგრამა ფინანსდება ამ წესის მე-2 მუხლის მე-3 პუნქტით განსაზღვრული წლების ფარგლებში სწავლის დარჩენილი დროის განმავლობაში.

#### **მუხლი # 9 - დაფინანსებისათვის ბრანტის გადარიცხული თანხის შენარჩუნება**

გრანტის მფლობელი სტუდენტისათვის სტუდენტის სტატუსის შეწყვეტის ან შეჩერების შემთხვევაში, დაწესებულებას უნარჩუნდება შესაბამისი სტუდენტის მიერ მოპოვებული გრანტის ოდენობა შემდეგი წესით:

ა) პირველ ნოემბრამდე, თუ პირს სტუდენტის სტატუსი შეუწყდა/შეუჩერდა პირველი აპრილის შემდგომ;

ბ) პირველ აპრილამდე, თუ პირს სტუდენტის სტატუსი შეუწყდა/შეუჩერდა პირველი ნოემბრის შემდგომ.

რეგისტრირებულია საქართველოს იუსტიციის სამინისტროში  
სარეგისტრაციო კოდი: 430.210.000.22.022.013.692